



Projekat finansira
Evropska unija

Regionalni program lokalne demokratije na Zapadnom Balkanu ReLOaD



u partnerstvu sa Grad Tuzla

Izveštaj o održanom prvom mentorskom sastanku u okviru Javnog poziva za predaju projektnih prijedloga u sklopu projekta Regionalni program lokalne demokratije na Zapadnom Balkanu (ReLOaD) u Gradu Tuzla

U okviru Javnog poziva za organizacije civilnog društva/nevladine organizacije za predaju prijedloga projekata koji se organizuje u sklopu projekta „Regionalni program lokalne demokratije na Zapadnom Balkanu“ (ReLOaD)¹ u saradnji sa Gradom Tuzla, u utorak 24. septembra 2019. godine u trajanju od 12.00 do 13.30 sati održan je **prvi** od četiri planirana mentorska sastanka za zainteresovane predstavnike/ce organizacija civilnog društva (OCD).

Sastanku su, pored mentora i predstavnika Grada Tuzle, prisustvovala/e 17 učesnika/ca iz trinaest organizacija civilnog društva te jedne Javne institucije. Od njih 17, trinaest osoba su bile ženskog spola, a četiri muškog spola. Treba istaći da je ovo bio jedan od najposjećenijih mentorskih sastanaka što je svakako podatak koji može pokazati zainteresovanost organizacija civilnog društva za učešće na javnom pozivu.

Kako je ovo bio prvi mentorski sastanak, većina organizacija koje su prisustvovala sastanku nisu još uvijek pristupile izradi projektnog prijedloga. Zapravo, moglo bi se reći da su većina još uvijek u fazi odabira same teme za projektni prijedlog. Zbog toga je najveći dio treninga bio posvećen tehničkim pitanjima vezanim za sam javni poziv, te odgovorima na pitanja učesnika sastanka.

U prvom dijelu sastanka učesnicima su u kratkim crtama prezentirane najčešće greške koje su uočene u prethodnim javnim pozivima. **Posebno je apostrofirana potreba da se ispoštuju sva pravila koja su definisana javnom pozivom. U tom kontekstu sugerirano je učesnicima da pažljivo analiziraju smjernice za aplikante jer se u njima nalaze mnogi odgovori. Takođe su podcrtana neka od osnovnih pravila javnog poziva, kao što je potreba da ciljna grupa bude iz Tuzle, da se aktivnosti odvijaju na području grada Tuzle te da projektna tema se mora biti u skladu sa jednom ili više naznačenih prioritarnih oblasti javnog poziva.**

Pitanja učesnika su se uglavnom odnosila na tehničke aspekte, samog procesa, pri čemu se mora istaći da je dobar dio njih vezan za sam proces implementacije. Zbog toga je učesnicima sugerisano da u ovom trenutku fokus njihovog rada treba biti na izradi kvalitetnog prijedloga projekta a ne na pojedinostima koje se tiču samog procesa implementacije.

Ponovno je naglašen značaj izrade logičkog okvira kao alata koji daje strukturu samom projektu i odgovara na njegova najvažnija pitanja. Kroz ilustrativan primjer ponovljene su definicije i samo značenje pojmova iz logičkog okvira, prevashodno interventne logike, odnosno specifičnog cilja, rezultata te aktivnosti. **Učesnicima je ukazano na značaj povezivanja aktivnosti i rezultata, te im je naglašeno da svaki od projektnih rezultata mora imati svoj set aktivnosti koji će dovesti do njegovog ostvarenja.**

Dogovoreno je da na sljedeći sastanak organizacije dođu sa nacrtom logičkog okvira kako bi im se na konkretnim primjerima moglo sugerirati kako da unaprijede projektni prijedlog.

Naredna mentorska sesija planirana je za 3. oktobar (četvrtak) 2019. godine. Termin će biti objavljen na službenoj stranici Grada kao i mjesto održavanja mentorske sesije kako bi što veći broj zainteresovanih predstavnika OCD prisustvovao ovim sastancima.

¹Regionalni program lokalne demokratije na Zapadnom Balkanu (ReLOaD) finansira Evropska unija (EU), a provodi Razvojni program Ujedinjenih naroda (UNDP).